

Goran Salihović, predsjednik Općinskog suda u Sarajevu, tvrdi

Zemljišnoknjižni izvadak za nekretninu gotov za tri dana

Zaostatak od 90.000 neroješenih predmeta smanjili smo na svega 4.260, tvrdi čelnik Općinskog suda u Sarajevu Goran Salihović

Ostavinski sporovi u Općinskom sudu u Sarajevu završavaju se za 30 dana, registracija preduzeća ukoliko su svi papiri uredni za pet dana, dok će se zemljišnoknjižni izvadci umjesto za tri dobijati za jedan dan.

Smanjili gužve

Tako barem tvrdi Goran Salihović, predsjednik Općinskog suda u Sarajevu i dodaje da su to skoro pa evropski standardi i da su gužve i dugogodišnje čekanje na knjiženje nekretnina iza nas.

- Vrijeme obrade zahtjeva za promjene u zemljišnim knjigama traje od sedam do 30 dana. Za prvih šest mjeseci ove godine mi smo primili 17.823 predmeta, a obradili smo 21.456 jer pored ovih novih radimo



Salihović: Nema nagomilanih predmeta

i na završavanju zaostataka. Desetogodišnji zaostatak od 90.000 neroješenih predmeta sveden je na svega 4.260 i to dovoljno govori o ažurnosti i radu ovog suda. Najgori smo u komunalnim predmetima gdje uopće nemamo podršku društvene zajednice i gdje svi očekuju da čuvamo socijalni mir. Od 1,025.000 predmeta koliko smo dobili za šest mjeseci, 900.000 je komunalnih predmeta.

Elektronske knjige

Kada bi rješavali komunalne predmete po nekim računima trebalo bi nam 48 godina, a državu bi to koštalo 16 milijardi maraka - kaže Salihović. Sud je uveo elektronske knjige i do sada je od 150.000 elek-

tronskih izvadaka uneseno 125.000. Prioritet u radu Općinskog suda u narednom periodu biće skeniranje zemljišnih knjiga i to će prema procjenama prvog čovjeka Suda trajati sedam mjeseci, a realizaciju projekta pomoći će Španska vlada.

- Sud je spreman za digitalno doba zemljišnih knjiga jer smo uz dodatne napore, zapošljavanje novih radnika i rada u duplim smjenama održali obećanje da ćemo skratiti vrijeme obrade zahtjeva. Krenulo se i sa renoviranjem zemljišnoknjižnog ureda i opremanjem prostora, a tu ćemo imati pomoć Federalnog ministarstva pravde i Svjetske banke - kazao je Salihović.

I.M.